

(附)宣統政紀

卷一至卷七
光緒三十四年至宣統三年

清實錄

第六〇冊

中華書局影印

清實錄第六〇冊目錄

(附)宣統政紀

首卷序	六二八四一
卷一 光緒三十四年十月	六二八四四
卷二 光緒三十四年十一月上	六二八六一
卷三 光緒三十四年十一月下	六二八八〇
卷四 光緒三十四年十二月上	六二九〇一
卷五 光緒三十四年十二月下	六二九二〇
卷六 宣統元年正月上	六二九四八
卷七 宣統元年正月下	六二九五九
卷八 宣統元年二月	六二九七九
卷九 宣統元年閏二月上	六二九九九
卷一〇 宣統元年閏二月下	六三〇二〇
卷一一 宣統元年三月	六三〇五三
卷一二 宣統元年四月	六三〇七六

卷一三 宣統元年五月上	六三〇九〇
卷一四 宣統元年五月下	六三一一五
卷一五 宣統元年六月上	六三二二九
卷一六 宣統元年六月下	六三二四三
卷一七 宣統元年七月上	六三二五九
卷一八 宣統元年七月下	六三二七五
卷一九 宣統元年八月上	六三二八八
卷二〇 宣統元年八月下	六三三〇四
卷二一 宣統元年九月上	六三三二七
卷二二 宣統元年九月下	六三三三六
卷二三 宣統元年十月上	六三三五〇
卷二四 宣統元年十月下	六三三八一
卷二五 宣統元年十一月上	六三三〇一
卷二六 宣統元年十一月下	六三三八
卷二七 宣統元年十二月上	六三三三二
卷二八 宣統元年十二月下	六三三四四
卷二九 宣統二年正月上	六三三四

卷三〇	宣統二年正月下	六三三七六
卷三一	宣統二年二月上	六三三九〇
卷三二	宣統二年二月下	六三四〇一
卷三三	宣統二年三月	六三四二一
卷三四	宣統二年四月上	六三四四三
卷三五	宣統二年四月下	六三四五九
卷三六	宣統二年五月	六三四七一
卷三七	宣統二年六月	六三四九三
卷三八	宣統二年七月上	六三五〇五
卷三九	宣統二年七月下	六三五三〇
卷四〇	宣統二年八月上	六三五五二
卷四一	宣統二年八月下	六三五六六
卷四二	宣統二年九月	六三五八五
卷四三	宣統二年十月	六三六〇八
卷四四	宣統二年十一月上	六三六三〇
卷四五	宣統二年十一月下	六三六四一
卷四六	宣統二年十二月上	六三六五六
卷四七	宣統二年十二月下	六三六七三
卷四八	宣統三年正月	六三六九七
卷四九	宣統三年二月	六三七一六
卷五〇	宣統三年三月上	六三七二九
卷五一	宣統三年三月下	六三七四九
卷五二	宣統三年四月上	六三七六二
卷五三	宣統三年四月下	六三七八三
卷五四	宣統三年五月	六三八〇八
卷五五	宣統三年六月上	六三八二七
卷五六	宣統三年六月下	六三八四〇
卷五七	宣統三年閏六月	六三八五五
卷五八	宣統三年七月上	六三八七七
卷五九	宣統三年七月下	六三八八八
卷六〇	宣統三年八月上	六三九〇四
卷六一	宣統三年八月下	六三九二二
卷六二	宣統三年九月上	六三九六四
卷六三	宣統三年九月中	六四〇〇〇

卷六四 宣統三年九月下

六四〇二三

卷六五 宣統三年十月上

六四〇三九

卷六六 宣統三年十月下

六四〇六一

卷六七 宣統三年十一月上

六四〇七四

卷六八 宣統三年十一月下

六四〇八七

卷六九 宣統三年十二月上

六四〇九八

卷七〇 宣統三年十二月下

六四二二六

監修總裁世恭閱

纂修官歐家康恭纂
纂修官官監
十二月 十一日

正總裁那

月 日

專司崇本

陸恭履閱

甲寅正月十九

日

徐

月 日

榮

月 日

副總裁唐

月 日

室宗

寶恭閱

一卷

九月十八

日

陳

恭閱

一卷

七月十一

日

熙

月 日

郭恭閱

十一月十一

日

室宗

麒

月 日

大清宣統政紀序

伏以河圖龜書文肇義皇雲紀鳥官治垂軒
后唐書虞典載颶言拜手之歌周誥殷盤溯
詰屈聱牙之史甘露黃龍而外別開西漢紀
年上元儀鳳之前特記大唐初業以及宋有
東京夢華之錄明有弇州別集之編莫不揆
藻鸞綸揚茶駿烈附鴻裁於班馬闡雅意於
睢麟况當累洽重熙復繼文謨武烈論治則

聖人在位有風不鳴條雨不破塊之祥論德
則大道為公有天無私覆地無私載之量固
當赤文綠字紀功德於億萬斯年玉檢金泥
詳登封於七十二代者也欽惟我

皇上明兩作離

居東出震

天鍾

聖哲星流虹渚之祥

生而神靈。日角龍顏之表。既秉圭而告。

廟遂

負辰以臨軒。訟獄謳歌。天下咸歸子啟。制禮作樂。周公用相成。玉固已數莫朔而紀元。撫蘿圖而御宇。華蟲藻火。法南面之垂裳。白麟芝房。頌西京之寶鼎。比量於泰山河海。莫測

高深。繪容於

日月乾坤。難為名似。謹陳大略。厥有數端。一曰敬

天

皇上合德元微

精心對越。絙桑作樂。鏘麟鼓以郊

天。縮秬升香。絜犧尊而祀

地。辛祈重穀。崇報賽春秋。雩祭煢柴。用禴禳水旱。

祖

舉嶽瀆山川之祀。咸秩無文。祭風雲雷雨之師。諸神受紀。其昭事之誠。有如此者。一曰法

皇上恪承家法

懋踵前模。瞻松柏而展敬

山陵。潔粢盛而薦馨

宗廟。雞鳴三盥。修問膳於

慈宮。鳳綽萬年。晉徽稱於

壽母

經筵再啟。乾行協

健德之符

典學方新。蒙養得

聖功之正。其述事之隆。有如此者。一曰勤政

皇上允釐庶績。無曠

萬幾

崇政早朝。傳籤警寐

通英答詔。衡石量書。破格用人。不限資勞。門
蔭。定章課吏。仍兼書判身言。覃恩則露湛蓂
斯。起廢而春回泰谷。邊氛靖埽。武伸螳斧之
威。禮館宏開。文復蜡幽之盛。綏外則重瀛遣
使。講周旋於玉敦珠槃。撫內則諸道置官。嚴
督察於繡衣持節。其求治之勉。有如此者。一
曰愛民。

皇上亶聰作后

其仁如天。貸蹕路之籽糧。加五城之米石。蠲逋
以明魯豫。沛一朝汪濊之恩。發帑以賑江淮。
拯億萬生靈之命。草野之噉鴻有託。河固芟
防。花村之吠犬無驚。風清桂澤。驅疫羣於方
相。伏厲潛消。屏毒卉於神農。沈疴盡起。其保
惠之懷。有如此者。至若昭回新命。布理憲文。
仰窺炎帝。帝魁之隆。實繼太王。王季之緒。是
以博諮衆議。論採芻蕘。觀治一鄉。利謀桑梓。

登版圖天府。戶數丁推。遣計吏京師。塵清甲
簿。千楨設警。見徽道之綺交。聽訟分庭。喜琴
堂之花落。便知書於徒隸。奇觚傳急就之章。
懲無業於游民。魯削補考工之政。銖稱雀兩。
稱燕度正星衡。地用馬。天用龍。法更泉府。商
勳析爵。封卜式為關內之侯。農部設官。命陳
寵作行田之使。且也以

元首而兼

元帥。追蹤周武。戎衣以庶政。而公庶民。軼美鄭
僑。鄉校。周禮之官六十。別創隆規。呂刑之用
三千。改從輕典。羽林增子弟。殿前駐龍武之
軍。冢宰總百官。門下奉鸞臺之敕。固皆隱隱
然。各得其所。蕩蕩乎民無能名。而尤所難及
者。則在憲政提前。年限縮短。明堂改厯。以甲
子朔旦為期。洛邑和民。暨風雨四方來會。
父有作而

子則述繼九年未集之勳民所欲而天必從開百王未有之局當此共和協贊與周家實異而名符益欽

揖讓無為見

虞陸風同而道一臣等備員禁禦珥筆史歲刻石鼓而誦周宗逢金人而思漢室太平故吏曾親開元貞觀之休淪落遺山尚記大定明昌之事塗生民而改清廟敢比韓文藏名山

而副京師願成遷紀此後惟

天為大水傳

魏煥之文章他時候日再中更草河汾之封禪

大清宣統政紀卷之一

光緒三十四年戊申冬十月癸丑朔○癸酉酉刻

德宗景皇帝崩欽奉

慈禧端佑康頤昭豫莊誠壽恭欽獻崇熙皇太后

懿旨攝政王載灃之子著入承大統為嗣

皇帝○又欽奉

懿旨前因穆宗毅皇帝未有儲貳曾於同治十三

年十二月初五日降旨大行皇帝生有皇子即

承祧穆宗毅皇帝為嗣現在大行皇帝龍馭上

賓亦未有儲貳不得已以攝政王載灃之子

承繼穆宗毅皇帝為嗣並兼承大行皇帝之

祧廑又欽奉

懿旨

現值時事多艱嗣皇帝尚在沖齡正宜專心典學著攝政王載灃為監國所有軍國政事悉秉承予之訓示裁度施行俟嗣皇帝年歲漸長

學業有成。再由嗣皇帝親裁政事。朕又欽奉
懿旨。著派禮親王世鐸。睿親王魁斌。喀爾喀親王
那彥圖。奉恩鎮國公度支部尚書載澤。大學士
世續。那桐。外務部尚書袁世凱。禮部尚書溥良
內務府大臣繼祿。增崇。恭辦喪禮。敬謹裏事。朕
大行皇帝詔曰。朕自沖齡踐阼。寅紹丕基。荷蒙
皇太后憐育仁慈。恩勤教誨。垂簾聽政。宵旰憂勞。
嗣奉

懿旨。命朕親裁大政。欽承
列聖家法。一以敬

天法

祖。勤政愛民。為本。三十四年中。仰稟

慈訓。日理萬幾。勤求上理。念時事之艱難。折衷中

外之治法。輯和民教。廣設學堂。整頓軍政。振興

工商。修訂法律。豫備立憲。期與薄海臣庶。共享

昇平。各直省遇有水旱偏災。凡疆臣請賑請蠲。

無不恩施。立沛本年順直東三省。湖南湖北廣
東福建等省。先後被災。每念吾民。滿目瘡痍。難
安寢饋。朕躬氣血素弱。自去年秋間。不豫。醫治
至今。而胸滿胃逆。腰痛。腰軟。氣壅。咳嗽。喘證。環
生。疊起。日以增劇。陰陽俱虧。以致彌留不起。豈
非天乎。顧念神器至重。亟宜傳付得人。茲欽奉
慈禧端佑康頤昭豫莊誠壽恭欽獻崇熙皇太后
懿旨。攝政王載灃之子。入承大統。為嗣皇

帝。在嗣皇帝。帝仁孝聰明。必能仰慰

慈懷。欽承付託。憂勤惕厲。永固邦基。爾京外文武

臣工。其精白乃心。破除積習。恪遵前次諭旨。各

按逐年籌備事宜。切實辦理。庶幾九年以後。頒

布立憲。克終朕未竟之志。在天之靈。藉稍慰焉。

喪服仍依舊制。二十七日而除。布告天下。咸使

聞知。朕諭內閣。本月二十一日酉刻。

大行皇帝龍馭上賓。朕欽奉

慈禧端佑康頤昭豫莊誠壽恭欽獻崇熙太皇太后懿旨。入承大統。捨地呼天。攀號莫及。伏念

大行皇帝御宇三十有四年。祇承

家法。上秉

慈謨。惕厲憂勤。無日不以敬

天法

祖。勤政愛民。為念。簡任親賢。變法圖強。維新政治。

中外望風。凡有血氣者。罔不悲哀感戀。出於

至誠。朕之泣血椎心。尚忍言乎。惟思

付託至重。責任藐躬。尚賴內外文武大小臣工。共

矢公忠。弼予郅治。各直省督撫。務當撫輯斯

民。整頓吏治。以仰慰

大行皇帝在天之靈。朕實有厚望焉。至喪服之制。

欽奉

大行皇帝遺詔。令依舊制二十七日而除。朕心實

有不忍。仍當恪遵古制。敬行三年之喪。庶幾

郊

稍盡哀慕之忱。至於

廟祭祀大典。自不應因大喪而稍略其禮。其應如

何。遣官恭代。及親詣行禮之處。著各該衙門

查照向例。集議以聞。其天下臣民。應持服制

仍照定例行。將此通諭知之。順甲戌

卯刻

上詣涵元殿恭視

大行皇帝小殮畢。奉

大行皇帝靈駕。奉安乾清宮。西次間。

上剪髮成服。親王以下文武大臣官員俱成服。

各按位次。齊集舉哀。

上呼捨大慟。嗣恭視

大行皇帝大殮畢。奉安

梓宮於乾清宮正殿。行殮奠禮。○諭內閣。朕欽奉

慈禧端佑康頤昭豫莊誠壽恭欽獻崇熙太皇太后懿旨。現命攝政王載灃監國。所有應行禮節。著內閣各部院會議具奏。○又諭朕欽奉太皇太后懿旨。昨經降旨。特命攝政王為監國。所有軍國政事。悉秉承予之訓示。裁度施行。現予病勢危篤。恐將不起。嗣後軍國政事。均由攝政王裁定。遇有重大事件。必須請皇太后懿旨者。由攝政王隨時面請施行。○又諭朕繼承大統。

聖祖母慈禧端佑康頤昭豫莊誠壽恭欽獻崇熙

皇太后應尊為

太皇太后兼祧

母后皇后應尊為

皇太后。所有應行典禮。著該衙門敬謹查例具奏。

○又諭同治十三年

穆宗毅皇帝大事

大行皇帝曾遵成例。停止各省將軍督撫提鎮藩

臬及鹽關織造等來京叩謁

梓宮。今

大行皇帝升遐。其各直省將軍督撫都統副都統

提鎮城守尉並西北兩路將軍大臣暨藩學

臬鹽關織造等。均不必奏請來京叩謁。

梓宮。致曠職守。各該員等惟當竭誠盡職。以期無

負委任。不在末節虛文也。將此通諭知之。○

又諭道光二十六年三月。

宣宗成皇帝特降

諭旨。以二名不偏諱。將來繼體承緒者。上一字仍

舊。毋庸改避。亦毋庸缺筆。其下一字應如何

缺筆之處。臨時酌定。以是著為令典等因。欽

此。今朕敬遵

成憲。將御名上一字仍舊書寫。毋庸改避。下一字

敬缺一撇。書作儀字。其奉旨以前所刻書籍

俱毋庸議。○是日

慈禧端佑康頤昭豫莊誠壽恭欽獻崇熙太皇太后遺疾大漸未刻崩。

誥曰予以薄德祇承

文宗顯皇帝冊命備位宮闈迨穆宗毅皇帝冲年嗣統適當寇亂未平討伐方殷之際時則髮捻交訌回苗倣擾海疆多故民生彫敝滿目瘡痍予與

孝貞顯皇后同心撫訓夙夜憂勞秉承

文宗顯皇帝遺謨策勵內外臣工暨各路統兵大臣指授機宜勤求治理任賢納諫救災恤民遂得仰承

天庥削平大難轉危為安及穆宗毅皇帝即世今大行皇帝入嗣大統時事愈艱民生愈困內憂外患紛至沓來不得不再行訓政前年宣布豫備立憲詔書本年頒示豫備立憲年限萬幾待理心力俱殫幸予體氣素強尚可支拄不期本

年夏秋以來時有不適政務殷繁無從靜攝眠食失宜遷延日久精力漸憊猶未敢一日暇逸本月二十一日復遭大行皇帝之喪悲從中來不能自克以致病勢增劇遂至彌留回念五十年來憂患疊經兢業之心無時或釋今舉行新政漸有端倪嗣皇帝方在冲齡正資啟迪攝政王及內外諸臣尚其協力翊贊固我邦基嗣皇帝以國事為重尤宜勉節哀思孜孜典學他日

光大

前謨有厚望焉喪服二十七日而除布告天下咸使聞知

上恭視

大行太皇太后大殮安奉

梓宮於皇極殿行殮奠禮親王以下文武大臣官員齊集舉哀○諭內閣朕以冲齡仰蒙

大行慈禧端佑康頤昭豫莊誠壽恭欽獻崇熙太

皇太后顧復恩慈情深固極特命入承大統
深冀

慈躬康健克享期頤俾朕奉養承
歡恭聆

訓誨以成郅治而固邦基乃

宵旰憂勞漸致違和屢進湯藥調理方期日就安
痊不意因二十一日

大行皇帝龍馭上賓哀戚過甚病勢陡重遂至大

漸遽於本月二十二日未時

仙馭升遐呼搶哀號曷其有極欽奉

遺詔喪服二十七日而除朕心實所難安仍穿孝

百日並素服滿二十七月稍申哀悃至

諭以免節哀思一以國事為重敢不敬遵

遺命強加抑節以慰

大行太皇太后在天之靈所有

大喪禮制著派肅親王善耆順承郡王訥勒赫都

統喀爾沁公博迪蘇協辦大學士榮慶鹿傳霖吏部尚書陸潤庠內務府大臣奎俊禮部左侍郎景厚敬謹管理一切應行事宜並著詳稽舊典悉心覈議隨時具奏將此通諭中外知之○
乙亥

攝政王面奉

皇太后懿旨每日應行在內直班住宿人員著照例輪班住宿其餘各項人員均不准在內住

宿○諭內閣

大行慈禧端佑康頤昭豫莊誠壽恭欽獻崇熙太皇太后母家親屬著穿縞素百日○又諭現遭

大行慈禧端佑康頤昭豫莊誠壽恭欽獻崇熙太皇太后大事各直省將軍軍督撫都統副都統提鎮等均有職守不必奏請來京叩謁梓宮惟當實心辦事勉盡厥職不在禮節虛文也

○又諭禁門重地理宜嚴肅。疊經諭令該管大臣申嚴門禁。稽察出入。不啻三令五申。乃近來門禁仍屬懈弛。亟宜再申誥誡。著前鋒統領護軍統領總管內務府大臣嚴飭直班官兵。務須認真稽察。不准冒充當差人等乘間出入。經此次申警後。儻再仍前疏忽。定將該管大臣嚴懲不貸。懍之。朕命恭親王溥偉農工商部尚書溥頤會同原派王大臣恭辦。

大行太皇太后喪禮。朕命恭親王溥偉貝勒載洵載濤載澗在。

大行太皇太后梓宮前恭代奠酒。朕命貝子溥倫輔國公溥倌鎮國將軍溥倌貝子銜鎮國將軍載振在。

大行皇帝梓宮前恭代奠酒。朕丙子諭內閣。伊古神聖之君。功德丕著。必有隆稱懿號。昭示來茲。典至鉅也。欽惟我。

皇考大行皇帝溥哲。宣聰研精敏學。德綏中外。道妙化裁。

御宇三十有四年。無日不以敬天法。

祖勤政愛民為念。每遇

郊壇大祀。精誠昭格。崇奉我

皇祖母大行太皇太后。尊養優隆。溯當登極之初。

上東

垂簾之訓。求讜言而崇節儉。察羣吏而戒因循。洎乎親裁大政。整飭紀綱。咨詢陽雨。偏災偶告。蠲貸兼施。召對臣工。披覽章奏。寒暑無間。宵旰焦勞。書唐大寶箴於殿壁。如木從繩。刊承華事略之新圖。以古為鑑。至於軫時局之艱難。采列邦之政治。舉一切興學練兵理財造幣綏藩墾荒保商勸工。度量權衡。郵船路礦。諸要政。靡不仰稟。

慈謨俯度時勢準今酌古執兩用中而且尊
素王而崇祀典御經筵以益新知訂商約以重邦
交本禮教以修刑律滿漢化除其畛域同
情載之無私勳臣追錄其子孫勵封疆之忠蓋籌
備立憲期於九載告成通變宜民實繫環瀛
觀聽宏功盛德海宇同欽予以冲人纂統永
懷孺慕益切顯揚允宜詳考彝章恭上
尊諡

廟號著大學士各部院衙門敬稽典禮具奏以開
輿又諭

大行皇帝尚未擇有

陵寢著派溥倫陳璧帶領堪輿人員馳往

東

西陵敬謹查勘地勢繪圖貼說奏明請旨辦理
又諭豫親王惲林奏歲滿當差一摺定例王
公年滿十八歲由宗人府奏明上朝當差茲

該親王尚未歲滿徑行遞摺請安並請出學
當差與定例不合殊屬冒昧豫親王惲林著
交宗人府議處仍俟年滿十八歲循例由宗
人府奏明辦理又諭太醫院院使張仲元
御醫全順醫士忠勛恩糧戴家瑜均著革職
帶罪效力又諭前刑部主事陳秉鈞分部
郎中曹元恆江西玉山縣知縣呂用賓江蘇
阜甯縣知縣周景濤浙江候補知縣杜鍾駿

江蘇候補知府施煥候選道張鵬年均著降
二級留任又諭軍機大臣等電寄出使大臣
唐紹儀據電奏使美國書應否改發並擬改
名紹怡各節該部知道題以恭親王溥偉添
派恭辦

大行太皇太后喪禮改派貝勒毓朗在

大行太皇太后梓宮前恭代奠酒

奉先殿
太宗文皇帝誕辰遣官祭